



FONDACIJA

ZA KINEMATOGRAFIJU
SARAJEVO

Broj:04-2-134/23

Datum: 29.8.2023. godine

Vlada Federacije Bosne i Hercegovine

Hamdije Ćemerlića 2

71 000 Sarajevo

Federalno ministarstvo kulture i sporta

Obala Maka Dizdara 2

71 000 Sarajevo

Poštovani,

Fondacija za kinematografiju je dana 28.8.2023.godine u 16:06 putem e-maila zaprimila „Odluku o poništavanju Odluke Upravnog odbora Fondacije za kinematografiju po provedenom Javnom pozivu za izbor korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godine, V. Broj :1144/2023 od 24.8.2023.godine“ i „Odluku o poništavanju Odluke Upravnog odbora Fondacije za kinematografiju o izboru korisnika sredstava Fondacije za kinematografiju za pozicije sufinansiranja filmskih projekata 2023. godinu, V. Broj:1145/2023 od 24.8.2023.godine“, koje su donesene od Vlade F BiH a na inicijativu Udruženja rediteljica i reditelja u BiH.

Upravni odbor Fondacije za kinematografiju uz gore pomenute Odluke Vlade FBiH nije zaprimio obrazloženje iz kojeg bi mogao biti vidljiv valjan i zakonit razlog donošenja takvih Odluka.

Kada je u pitanju organizacija na čiju „Inicijativu“ su donesene predmetne Odluke Vlade, dakle nevladina organizacija Udruženje rediteljica i reditelja u BiH, napominjemo da ista uopšte nije učestvovala u Konkursnim procedurama na proteklim konkursima Fondacije za kinematografiju u 2023.godini. Stoga skrećemo pažnju na apsolutno nepostojanje bilo kakve legitimacije navedene organizacije u konkretnom slučaju te nepostojanje bilo kakvog pravnog interesa za osporavanje odluka Fondacije u vezi s navedenim Konkursom. Također, posebno naglašavamo da je ta „inicijativa“ potpuno paušalna i da za njen sadržaj podnosilac ne daje valjanu argumentaciju.

Vezano za same navode Udruženja reditelja i rediteljica iz njihove „Inicijative“, Upravni odbor je stava da:

- Konkurs za izbor korisnika sredstava Fondacije za kinematografiju za pozicije komplementarnih djelatnosti za 2023. godinu je proveden u skladu sa svim važećim normativnim aktima Fondacije za kinematografiju a vodeći računa o ciljevima Fondacije nakon čega je donijeta Odluka o izboru korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godinu broj 04-3-86-1/23 od 26.6.2023.godine.
- Konkurs za izbor korisnika sredstava Fondacije za kinematografiju za pozicije sufinansiranja filmskih projekata za 2023. godinu objavljen je u skladu sa Odlukom o usvajanju Programa utroška sredstava sa kriterijima raspodjele sredstava „Transfera za kinematografiju“ utvrđenog budžetom



FONDACIJA

ZA KINEMATOGRAFIJU
SARAJEVO

Federacije BiH za 2023. godinu Federalnom ministarstvu kulture i sporta-Federalnom ministarstvu kulture i športa V broj 521/2023 od 6.4.2023.godine objavljenom u „Sl. Novine Vlade Federacije BiH“ broj 26/23 od 12.4.2023.godine u kojoj je jasno naveden način odabira korisnika to jeste da se odabir zasniva na „Pravilniku o procedurama i kriterijima za izbor korisnika sredstava Fondacije za kinematografiju broj: 04-3-245/21 od 20.12.2021.godine i Poslovniku o radu Žirija za vrednovanje filmskih projekata i scenarija Fondacije za kinematografiju broj 04-3-142/21 od 8.2.2021. godine“. Upravni odbor Fondacije za kinematografiju tekst Odluke dostavlja Federalnom ministarstvu kulture i sporta na prosljeđivanje Uredu za zakonodavstvo i usklađenost sa propisima Europske unije F BiH, a koje daje mišljenje na dostavljenu Odluku. Mišljenje tog organa na Odluku je dana 15.3.2023. godine stiglo u Federalno ministarstvo kulture i sporta, te je prosljeđeno i u Fondaciju za kinematografiju, a dato Mišljenje je POZITIVNO, bez bilo kakvih uputa i zamjerki te je Upravni odbor smatrao da nije bilo dalje smetnje za nastavak provođenja konkursnih procedura u skladu sa Odlukom o usvajanju Programa utroška sredstava sa kriterijima raspodjele sredstava "Transfera za kinematografiju" utvrđenog budžetom Federacije BiH za 2023. godinu Federalnom ministarstvu kulture i sporta-Federalnom ministarstvu kulture i športa V broj 521/2023 od 6.4.2023.godine objavljenom u „Sl. Novine Vlade Federacije BiH“ broj 26/23 od 12.4.2023.godine.

Vežano za člana Upravnog odbora u ostavci gosp. Emira Hadžihafizbegovića, Upravni odbor je spomenutu ostavku dana 17.5.2023. godine prosljedio Federalnom ministarstvu kulture i sporta na dalje postupanje o čemu do današnjeg dana Fondacija nije zaprimila nikakvu povratnu informaciju, a kako se radi o individualnoj privatnoj odluci, Predsjednik i drugi član Upravnog odbora su nastavili da ostvaruju ciljeve Fondacije utvrđene Statutom. Ali i nevezano za to, Poslovníkom o radu Upravnog odbora Fondacije za kinematografiju broj 02-175/09 od 9.9.2009.godine je propisan kvorum za rad Upravnog odbora. Shodno tome, u slučaju donošenja ove Odluke, kao i svih drugih odluka, Upravni odbor je imao dovoljan broj članova, odnosno imao je kvorum za rad i donošenje pravovaljanih odluka. U konkretnom slučaju se ne radi o imovini Fondacije za kinematografiju o čijem raspolaganju bi se moralo odlučivati uz prisustvo sva 3 člana Upravnog odbora. Ovdje se radi o sredstvima koja nisu, niti mogu predstavljati imovinu Fondacije za kinematografiju nego o sredstvima koja Fondacija za kinematografiju raspodjeljuje sukladno propisanoj proceduri.

- Što se tiče navodnog sukoba interesa koji je spomenut u dopisu Udruženja reditelja i rediteljica, ne odgovara pravnoj regulativi kvalifikacije sukoba interesa Fondacije za kinematografiju koja glasi: stav 2 član 5 . *Pravilnika o procedurama i kriterijima za izbor korisnika sredstava Fondacije za kinematografiju broj: 04-3-245/21 od 20.12.2021.godine „Projekti u koje je lično i na direktan način uključen predsjednik, kao jedan od autora ili kao vlasnik svih ili dijela autorskih prava, odnosno član Upravnog odbora ili Žirija, nemaju pravo prijave na Konkurs za izbor korisnika sredstava, jer se radi o neposrednom sukobu interesa.“* Također, Vlada Federacije BiH u skladu sa svim važećim propisima koji uključuju i Zakon o sukobu interesa FBiH je dana 3.12.2020.godine donio Rješenje o imenovanju Upravnog odbora Fondacije za kinematografiju, s toga svi navodi Udruženja reditelja i rediteljica nisu utemeljeni i relevantni već maliciozni.



FONDACIJA

ZA KINEMATOGRAFIJU
SARAJEVO

Upravni odbor Vas obavještava da je poštujući sve procedure i svoja zakonski utemeljena ovlaštenja, a sukladno zakonskim rokovima, donio Odluku o izboru korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godinu broj: 04-3-86-1/23 od 26.6.2023.godine i Odluku o izboru korisnika sredstava Fondacije za kinematografiju za pozicije sufinansiranja filmskih projekata 2023. godine broj: 04-3-114/23 od 3.8.2023.godine koje je i **REALIZIRAO sukladno važećim normativnim aktima** (tj.Ugovori o dodjeli sredstava sa korisnicima su potpisani, a sredstva isplaćena!).

Primjećujemo i da Odluke koje ste poslali na e-mail Fondacije proceduralno nisu donesene u skladu s Poslovnikom o radu Vlade FBiH, ali što je još bitnije, naprijed navedeno implicira da Odluke koje ste donijeli i uputili u Fondaciju za kinematografiju su NESPROVEDIVE i stoga predlažemo Vladi FBiH da na narednoj Sjednici stavi van snage svoju „Odluku o poništavanju Odluke Upravnog odbora Fondacije za kinematografiju po provedenom Javnom pozivu za izbor korisnika sredstava Fondacije za kinematografiju za pozicije sufinansiranja komplementarnih djelatnosti za 2023. godine, V. Broj: 1144/2023 od 24.8.2023.godine“ kao i „Odluku o poništavanju Odluke Upravnog odbora Fondacije za kinematografiju o izboru korisnika sredstava Fondacije za kinematografiju za pozicije sufinansiranja filmskih projekata 2023. godinu, V. Broj:1145/2023 od 24.8.2023.godine“ u protivnom, Vlada FBiH se izlaže sudskim procesima koji bi sasvim sigurno biti pokrenuti od strane svih aplikanata koji su dobili sredstva sukladno provedenim zakonskim procedurama.

S obzirom da dopis „Inicijativa“ Udruženja rediteljica i reditelja nema osnovanost ni u pogledu važećih zakona ni u pogledu činjeničnog stanja, pa shodno ni Odluke Vlade F BiH nemaju potrebnu osnovanost, sasvim je izvjesno i da bi aplikanti i uspjeli u svim tim postupcima.

Upravni odbor predlaže zajednički sastanak sa Premijerom Vlade FBiH i Ministricom resornog ministarstva kako bi zajednički iznašli najbolje rješenje.

S poštovanjem,

PREDSJEDNIK
UPRAVNOG ODBORA

Antonio Beus